



## Publicaziuns dalla vischnaunca, jamna 7

### Revisiun d'impurtonza sutordinada dalla planisaziun locala – Exposiziun da recuors

En applicaziun digl art. 48, al. 4 dalla lescha davart la planisaziun dil territori per il cantun Grischun (LPT) ha liug l'exposiziun da recuors pertuccont la revisiun parziala – d'impurtonza sutordinada – dalla planisaziun locala per la Via Veglia, che la suprastanza communal ha approbau ils 3 da fevrer 2014.

#### Intent:

Revisiun parziala dalla planisaziun locala el contuorn dalla Via Veglia

#### Acts d'exposiziun:

- Plan da zonas Via Veglia 1:500, midada d'impurtonza sutordinada tenor art. 48, al. 3 LPT
- Raport da planisaziun e cooperaziun dils 30 da schaner 2014

#### Temps da publicaziun:

30 dis naven dils 14 da fevrer entochen ils 15 da mars 2014

#### Liug e temps da publicaziun:

Casa communal (stanza nr. 10), Via Cons 2, 7180 Disentis/Mustér, durant las uras da spurtegl

#### Protestas encunter la planisaziun:

Persunas che han in agen interess, digns da vegnir protegius ni ch'ein legitimadas leutier tenor dretg federal, san inoltrar al departament d'economia publica e fatgs socials dil cantun Grischun enteifer 30 dis dapi il datum da publicaziun a scret in recuors da planisaziun.

#### Organisaziuns per igl ambient:

Organisaziuns digl ambient exerciteschan lur dretg da recuors tenor art. 104, al. 2 dalla lescha cantunala davart la planisaziun dil territori (LPT), q.v.d. ellas s'annunzian enteifer il temps da recuors tier igl uffeci cantunal pil svilup dil territori (ARE) ed inoltreschan silsunter in'eventuala posiziun.

Disentis/Mustér, ils 3 da fevrer 2014

*Suprastanza communal Disentis/Mustér*

---

### Fiera tessinesa

**Gliendisdis, ils 10 da fevrer 2014** e silsunter mintga dumengia entochen ils 16 da mars 2014 ha liug ina fiera tessinesa. Ils stans vegnan endrizzai sin il parcadi ad Aclada Fontauna denter la Via Alpsu e la Via Acletta. La fiera ha liug mintgamai naven dallas 14.00 entochen allas 20.00.

*Administraziun communal Disentis/Mustér*

---

### Controlla da habitonts

#### Naschientscha

*Andrin Maissen*, naschius ils 29 da schaner 2014, fegl da Lea ed Augustin Maissen-Simonet.



### Cussegl da vischnaunca

Il cussegl da vischnaunca seraduna **venderdis, ils 21 da fevrer 2014**, allas 20.15 uras en casa communal.

Tractandas:

1. Protocol nr. 8-2013/2016
2. Pro Lucmagn: Informaziun entras president Peter Binz
3. Lescha davart la taxa da cura e la taxa per promover il turissem: Elecziun d'ina cumissiun preparatoria
4. Regulativ da fatschentas: Revisiun parziala (commentari messadi nr. 2-2013/2016)
5. Regulativ per la cumissiun da gestiun (messadi nr. 10-2013/2016)
6. Ura da damondas (conform ad art. 44 dil regulativ da fatschentas)

*Il president dil cussegl da vischnaunca*

---

### Taglia da tgauns 2014

Naven d'immediat entochen la fin fevrer 2014 san las marcas da tgauns vegnir retratgas tier l'administraziun communal.

La taglia da tgauns munta pigl emprem tgaun frs. 120.–, per mintg'ulteriur tgaun ella casada frs. 180.– per onn. Per scadin tgaun sur treis meins che vegn tenius sin territori dalla vischnaunca ei da pagar ina taglia. Tgauns da polizia, da lavinas, per tschocs e suords ein deliberai dalla taglia, ston denton purtar la marca da tgauns. Nus supplichein da comunicar all'administraziun communal midadas, q.v.d. tals che han retratg 2013 ina marca da tgauns ed han buca pli il tgaun, ni novs possessurs da tgauns.

Naven digl 1-1-2007 ston tuts tgauns esser marcai cun in microchip ni cun ina tetovaziun bein veseivla. Il tgaun sto era esser registraus tier la Animal Identity Service AG (Anis), Berna. Nus supplichein tut ils possessurs da tgauns da risguardar quellas prescripziuns.

Plinavon fagein nus attents Vus sin suandontas prescripziuns: **Cuors da tgauns – cuors obligatori**  
*Cuors teoretic, artechel 68 alinea 1, ordinaziun davart la protecziun d'animals*

Tgi che ha aunc mai possedi in tgaun ei obligaus d'absolver il cuors teoretic avon che cumprar in tgaun. Quei vala per mintga possessur da tgauns che sa buca demussar ch'el ha gia possedi in tgaun avon igl 1-9-2008. *Cuors practic, artechel 68 alinea 2, ordinaziun davart la protecziun d'animals*

Enteifer igl emprem onn da cumpra sto mintga possessur cumprovar il mussament dil cuors practic. Quei vala per mintga tgaun che vegn ni ei gia vegnius cumpraus suenter igl 1-9-2008. Quei cuors sto vegnir absolvius cun mintga niev tgaun.

Igl attest dil cuors sto vegnir presentaus tier la retratga dalla marca da tgauns per igl onn 2014. Ulteruras informaziuns anfleis Vus sut [www.bvet.admin.ch](http://www.bvet.admin.ch) ni sut [www.fludog.ch](http://www.fludog.ch).

*Administraziun communal Disentis/Mustér*



**Oz en biblioteca!  
Praulas e historias cun Mats, la miur**

Has ti gust da vegnir cun tia mumma ni cun in'otra persuna d'accumpignament en biblioteca e tedlar praulas ni historias? Mats, la miur e nus dalla biblioteca raquitein a ti ina praula ord in cudisch da nossa valischa da surpresas e quei mintga gada il *secund venderdis* dil meins dallas 14.30 entochen ca. allas 15.30.

Nus selegrein zun fetg sin tei ...

Tgisà, forsa anflein nus mintgaton aunc enzatgei auter che mo cudischs en nossa valischa da surpresas! Cun ils pli cars salids e sin seveser tochen gleiti.

*Mats, la miur ed il team dalla biblioteca populara Disentis/Mustér e contuorn*

*Termins: 14 da fevrer, 14 da mars, 11 d'avrel, 9 da matg ed ils 13 da zercladur 2014*

---

**Apparats d'udida**

Gliendisdis, ils 24 da fevrer 2014 saveis Vus schar schubergiar e regular Vies apparat d'udida el Center da sanadad Sursassiala SA a Mustér, Via Cons 11, naven dallas 14.00–16.00.

L'uniun Pro Audito Cuera, cun signur Arthur Jacomet fa quei survetsch per tuts interessents gratuitamein.

Cordiala invit  
*Center da sanadad Sursassiala SA*

---

**Blumen-Teeparty**

Chinesische Kultur in der Schweiz erleben

**Gliendisdis, ils 24 da fevrer 2014 allas 20.00.**

Wissenswertes über die Teepflanze, Erklärungen zu der Heilwirkung diverser Blumen, z. B. Chrysanthemen, Rosen, Lavendel, Jasmin usw. sowie amüsante Geschichten aus dem Reich der Mitte, werden von den Referentinnen Ye Schacher und Sonja Schwegler gegeben. In lockerer Atmosphäre geniessen die Gäste Teeköstlichkeiten und lassen sich inspirieren. Die Blumen können in Küche und Hausapotheke vielseitig verwendet werden und liegen als Getränke im Trend. L'occurenza ha liug el Center sursilvan d'agricultura, Via Lucmagn 31 a Disentis/Mustér. Annunzias entochen ils 22 da fevrer, tel. 081 936 48 00 [info@agricultura.ch](mailto:info@agricultura.ch). Entrada libra, collecta. Dapli informaziuns da l'uniun Broccoli: [www.v-broccoli.ch](http://www.v-broccoli.ch)

Cordial beinvegni!  
[www.agricultura.ch](http://www.agricultura.ch)

---

**Chor d'affons vischnaunca Sumvitg**

Mira sut Sumvitg!



### **Pamir – Länder nomadischer Reiter**

Kulturabend mit Kurzvortägen, spannenden Filmen und Basar. Entdecken Sie das atemberaubende Pamirgebiet sowie die alte Seidenstrasse.

**Mittwoch, 19. Februar**, 20.00 Uhr, Kloster Disentis, Peter-Kaiser-Saal. Raiymbek, Saidali und Kuban beantworten gerne Ihre Fragen. Handarbeiten aus dem Pamir werden zugunsten von Pamir's Bridge verkauft.

Weitere Auskünfte: Alpventura, 079 262 41 72

Eintritt frei, Kollekte zugunsten von Pamir's Bridges.

---

### **Corporaziun d'aua Spina da vin**

#### **Preavis**

La radunonza generala dalla Corporaziun d'aua Spina da vin ha liug **mardis Pastgas, ils 22 d'avrel 2014**, allas 20.15 el Hotel Sax, Disentis/Mustér.

– Tractandas statutaricas

Per la Corporaziun d'aua Spina da vin, Disentis/Mustér.

*Vossa suprastonza*